

noch jemandt in deme Haffne-Lage vorhanden is / de vörhenne nicht uth gewesen were / sodder he uth was.

§. 4. Wil ock ein ander starck / wehrhafftich Man / vor einen anderen / van sinen Haffne-Bröderen / in de Herrefart tehen / dat kan de Styresman ene nicht wehren.

## **Van Træl / unde Lynffegen Knechten.**

### **CAP. II.**

§. 1.  
**D**e Husz-Werdt mach sinen Leye = Dreng / (dat is / Dienst-Knecht) vor sich i Lething (dat is Herrefart) nicht senden: Idt were denn / dat de Styresman / dar mede tho freden syn wolde.

§. 2. Denne / so de Dienst-Knecht vor sinen Husz-Heren aff Haffne / dat is / tho Schepe kumpt: Schal men eme mit Roden de Huth afftehn.

§. 3. Kumpt ock de Træl / wegen fines Husz-Heren / in dat Uthboth: So mach en de Köninck tho sich nehmen / so he wil / edder geven en frie / vor jdermanne.

## **Van deme Styresman.**

### **CAP. III.**

§. 1.  
**D**e Styresman schal sich sulven beschaffen Hest ock Brynie / (dat is / Berdt und Platen) unde nemen vor beyderley / van einer jder Haffne / 9. Schip Roggen / umme Sanct Michaelis Misse / doch nicht / sonder in den Jaren / wen dar Uthboth is.

§. 2. Wel